

瑞安鮑君伯雄哀輓錄

像遺雄伯君鮑安瑞 12/18



鮑君

安瑞

遺像

稽古甌封海英嶽靈生以髦士七尺
崢嶸軒昂子謂子里之家駒吁嗟子
幼一瞬之春榮壯志未遂空留丹青
肩秀華蓋目朗明星潤風鶴嶠玉界
麟騰維夫人之永逝晤遺像其若生

翰臣何慶輔謹題



題詞

烏虜伯雄相君之貌顏渥體充既攝生之
有道何去世之匆匆君篤于友誼又無間
于家中裒集哀輓莫不篇鉅而制閎惟富
于德故使人之敬崇否則何彼邦人士惜
君之咸同猗歟伯雄學淹西東妙年而能
若是亦可以傳諸不朽而無窮
癸亥孟冬勵生何輔榦題于永嘉寓次

啓

鮑君公英字伯雄浙江瑞安人大商家鮑善頤先生長子少敏而善學年十九卒業
 邑中校越歲赴試金陵大學初習蠶桑繼習農林三載立志學迺大進今夏因暑假
 省親古歷七月朔日忽遭熱疾醫者皆以爲可治不料至初八夜忽痰暈汗厥遂奄
 然而逝年僅二十有三雙親在堂弱妻在室膝下僅一呱呱女噫天何奪我伯雄之速
 耶嗚呼惜哉伯雄倜儻有遠志持躬勤儉而待人獨厚其遊學金陵也遇同鄉友朋
 失路乏資輒慨然周濟甚至迎送於數十里外不辭勞怨亦無德色今夏回里擬規
 辦暑校方欲組織同志旋以病阻彌留之際猶引以爲憾嗚呼天若假伯雄以年充
 其所學必致爲當世有用之才故其歿也人之識與不識無不惋悼噫豈僅伯雄一
 家之不幸哉亦以地方失一青年英材也茲擇古歷八月廿三日上午八勾鐘卽於
 其家開會追悼凡我

鄉老同門暨

當世大君子懇賜誄詞詩聯以光門庭而慰泉壤屆時還祈
惠臨哀悼不勝感激肅此奉

聞伏維

大鑒

發起人何慶輔等同啓

誄詞

中華民國十二年夏五月璿以調查鹺務委來甌海經鶴琴武臣之介紹識

鮑子伯雄於章安傾蓋論交開樽共話消融形迹歡若平生斯固我佛之所謂有緣
未嘗不恨相見之晚也伯雄體格魁偉器宇軒昂堅忍耐勞動奮攻苦梯山航海求
學金陵時世多艱人才難得如此秉負如此才華將來名立學成必爲國家棟棟如
中流之砥柱作救世之明星奈何天不假年遽以疾卒傳來噩耗雪涕何從嗚呼造
物果忌才耶修短果有數耶搔首問天天胡不語捶杖叩地地亦無言聽海上秋濤
胥是淒涼之調看枝頭紅葉都陳慘淡之容掛劍何時招魂何處璿又烏可無言以
致其悲感之情也哉爰爲之誄曰嗚呼伯雄豪邁元龍如松初茂如日方中秣陵負
笈聲譽日隆博通今古淹貫西東允宜騰達耀祖光宗以慰父母以樂妻孥天何不
吊降此鞠凶忽然而病溘然而終壯懷未盡遺恨何窮殘林月黯衰柳烟籠魂兮歸
來鑒我微衷嗚呼哀哉以此誄公

蕭山丁璿

祭文一

維民國十二年七月羈甯友生陳抱冰謹附羽郵屬辭一紙致祭於鮑君公英之靈
曰

秋風搖落兮秋士彷徨噩耗傳來兮哲人云亡繫脩短之有數兮何天道之茫茫嗚呼哀哉逢時不祥降年未永兮竟罹天傷賈志歸泉兮永闕靈光論君之德智兮令譽孔彰負笈金陵兮遊必有方信於師友兮孚於物望藐予末列兮服膺無忘遠志相期兮脩名共揚甯知不測兮生命靡常蘭薰斯瘁兮世忌孤芳吾道式微兮殲厥賢良雖厭濁世兮蛻化何妨悵念韶華兮君猶未臧雲水蒼蒼兮君奚往眷言舊誼兮獨立淒涼永別幽冥兮缺憾無量束芻莫致兮道阻且長予懷渺渺兮地老天荒嗚呼紙短靡可以盡哀兮孰知予之斷腸

祭文二

維中華民國十二年十月三日友人鄭閔尋何輔榦賈濂林鋼葉詠唐等謹以香醪

一樽谿藻一掬致祭於我友 鮑伯雄之靈前辭曰

嗚呼伯雄撒手匆匆豈憤斯世遽質厥躬下有呱呱女上有龍鐘杜鵑曉血月冷帷空
矧乎我鄙道義交融尊三殂逝心尙憂忡胡天不弔曠曠矇矇參軍丰采修復塵封
年來意氣推君爲隆鵬程奮翮甘讓下風夫豈姑息情實不同物稀迺貴處境尙豐
斗筲籬下我憾道窮拭目企望望君心濃君有榮聞我亦與共嗚呼伯雄我爲君恟
以君之學不至於庸十年雪案盡棄前功老小同惜遽赴仙蓬蓬山渺渺泪灑江楓
橫流滄海時運不通大東鼓鞞聲勢闐闐諸公哀哀惟事爭鋒芸芸衆庶荆棘塞壅
蕭牆禍起貽患致癰生也何樂死復何凶英雄偃蹇終老山背國事蝸蟻挽濟無從
爲天下慟曷哭私衷傷心如我萬憾填胸前塵回首愴然淚衝寒流嗚咽響動塔磬
人琴塵榻千古遺蹤望靈繾綣想見音容平原嘆逝魂何瞻瞻人天永訣嗚呼伯雄
尙饗

祭文二

鄭閔禱

烏虜伯雄竟溘然而長往歟雙親在堂孽涕泪也少婦在室夜飲泣也嗚嗚者誰君
幼女也今日之素車白馬紛以弔慘以哭者則又君昔所交遊之友朋也以雙之親
於君屬望也以妻女之恃君以無恙也以朋友交遊之謂君足嘉尙也然不待中年
竟溘然而長往歟豈惟家人將鄉鄰鄰里之知君爲孝友溫恭者未嘗不同心悲愴
也君雅有卓才近更遠遊漸漬歐美之學放乎大海覽乎名都登石城以弔古臨桃
葉而曠懷故其意氣凌雲風情張日激昂倜儻且百倍於疇昔時也君之朋舊交遊
則與予及勵生數子最知最厚每暑假歸定省而餘則與數子周旋不稍離惟是別
多聚少誨益皆乖今歲夏中君自金陵歸而予與勵生數子拊掌欣躍甚幸於經年
之闊而今可得聚首也鹿城之會酒酣耳熱狂歌雄辯評當世事纏纏疊疊當此之
時謂歡樂可長相保曾不知天地間之有生死也酒盡鐙炮各各散去君歸未數日
而疾作又數日而君死矣烏虜哀哉予與勵生聞耗馳至則已人天永訣徒申哀慟
而已環視君之雙親少婦泣不聊生則又轉悲以慰曾幾何時哀樂已移撫今思昔

能不肝腸欲斷者乎嗚呼伯雄君有不可死之實而又無短命之徵竟溘然而長往歟何天之奪我良人如此其急也抑何天之遇斯才者如此其酷也欲求爲當日之一年一度一相見者復可得乎天道如斯吞恨誰知長懷無已爲招魂之辭辭曰飛霜急節兮玉帳寒幽蘭摧薰兮梧葉殘物忌孤芳兮人悲才哲古今共恨兮我又何言深心追往兮情難自己摘文申酌兮剪紙招魂魂歸來兮舍君樂處靈髣髴兮歎我清尊

祭文四

維中華民國十二年歲次癸亥八月丁亥朔越祭日己酉妹婿韓伯寅率男總服甥

登楷謹以酒醴之儀致祭於故內兄鮑伯雄先生之靈前詞曰

哀哉伯雄內弟繼太守之清廉承參軍之俊逸可嘉者顏子之德可悲者顏子之年其卒之日吾邑人士無論遐邇識與不識靡不痛悼而况情關至戚無忌之云殂空洒平原之泪覩喬家之二老倏興公瑾之悲者乎古人有言死生亦大矣四海之外

六合之內林林總總爲彭爲殤修短隨化亮瑜以智死賁育以勇死崇愷以富死范黔以貧死展禽以賢死展蹠以盜死爲臣之不忠者死而盡忠者亦死爲子之不孝者死而大孝者亦死苟達於生寄死歸之說夢幻泡影之喻學佛氏之尸解同道家之坐脫三災八難至此都消况處維亂之世非復熙熙皞皞可以樂堯天而登仁壽外迫於強鄰內訌於伏莽不若乘自由之車登極樂之國孤鶴逍遙閒雲自在遺形骸而遊曠漠之爲幸也耶然此非所論於伯雄也更非所論於寅之哭伯雄也伯雄之死寅也悲從中梗憂傷如焚歷歷前塵心專溯之雖罄南山之竹有不勝書其顛末茲爲君約略陳之寅丁巳歲自福建福鼎旋歸越兩月締婚於君家君有女昆弟四而於其壻獨契於寅晦明風雨聯床剪燭恆更闌漏盡不少休新寒盛暑勿輟也寅于辛酉歲鷄讖蚤來五月而大女夭八月兩次女殤越兩月天降鞠凶禍延我考寅哀毀骨立戚黨之來吊唁者惟君家獨切去年君家以買穀搆訟寅集矢於的身爲怨府不辭勞瘁地方無斃以君家雄於資交相慝惠恃爲利藪時君尙年少築室

道謀發言盈耳卒至耗廢多金寅每引以爲大恨惟幸君學日有成德日有增椿陰
長留萱花並茂梁孟如賓田荆交翠家庭之幸福天倫之樂事洵完全而無缺向之
嘽君者矧如蜀犬吠日所見者稀桀犬吠堯所主者非多見其不知量於君家何損
焉無如禍福吉凶相與綺伏天道茫茫善人不祿外家之憂患頻仍妻黨之耗音薦
至濟陽喬梓不匝月而偕歸鍾子人琴竟忽朝而長逝何氏內兄年方週甲無疾而
終雖庭桂堦蘭之競秀亦老成典藉之所同悲今君繼此以往離堂背之雙親別閨
中之少婦在原抱賢昆之感陟岡興望兄之歌仰事俯畜後顧茫茫寅關至戚觀此
情形夫復何言襁則覆之殮則視之蓋棺則泪眼注之男兒到此一生都盡萬念皆
灰當年破浪乘風如白駒之過隙此曰生離死別等紫電之流光言念及此殊令後
死者亦無意於人世矣尙憶彌留之際執手黯然遺囑在耳靈爽在天言有盡而悲
無窮室則邇而人已遠寅獨何心能不痛哉君卒之翌日有哭君自東郊來者心茫
意亂誤入鄰舍向軒臥者號跳大哭隱隱乎有主宰於是而指使之然者一若寓有

常死而不死不當死而竟死之意焉哀哉伯雄而竟死耶嗚呼天耶命耶人失之耶
抑數止斯耶藥以誤耶其亦可悲也耶爰爲之誄曰

古語云皇天無親嘗與善人以觀於君獨不解夫古之所云君之好行其德人無不
欣苦志力學天胡不聞人集於苑已集於枯何夫獨厄夫君雖天地爲逆旅富貴如
浮雲君必不以是爲羨歆而他人悲君之不祿每代事夫悲呻或謂君學務甚粹理
求其新不乞靈於冥漠不迷信乎鬼神所由一生困阨乃不得食報之原因此則俗
人之謬想俗語之混棼君在九原豈以此爲斷斷君雖年少而追悼之日多慕義之
倫哀輓眞摯拜奠躬親屈抑於生前而揄揚於身後可想見其平時譽滿鄉里孚格
榆枌雖強有力者希冀其萬分抑天道之好還久屈者必大伸是則三代之直道儔
類之感想出於人心之同然天性之本眞異時降福不於其力於其後昆俾昌而熾
高大其門今之爲君抱屈者亦無所用其憂厪是爲報施之正理非阿好君者託辭
之殷殷後之質者將有感乎斯文

祭文五

維中華民國十二年歲次癸亥八月丁亥朔越祭日己酉姊婿戈鴻雨率男總服甥崧瑜謹以酒醴之儀致祭於 內弟伯雄鮑先生之靈前詞曰

嗚呼天胡奪吾內弟之速耶妙齡積學其誰不聞花信未屆遽爾歸真論仁者壽今非所云上黨失色行篋封塵蒼蒼在上不祐善人誰謂福善誰謂禍淫最可慘者易簣之夕蓋棺之辰里閭族黨靡不傷神况在至戚臭味相親參商永隔幽明遂分愴懷子敬淒絕人琴朋友之交叔牙多金親串之好趙魏聯姻君之次姊雨之拙荆嗚呼內弟生而穎異資稟逾恆出類拔萃邁衆超倫多才多藝克儉克勤石麟之瑞玉燕之珍勝衣就傅卓爾不羣人中麟角掌上龍文屢思脫穎每懷好音卒業中校赴試金陵初習蠶桑繼習農林三載力志學垂有成大商有子堂構相承邑有匪類橫逆憑凌挾端尋釁訟忽臨蚍蜉撼樹百犬吠聲慍于羣小無隙可乘君鑒於此益奮鵬程英文要素精益求精普通科學解釋必明今年暑假返旆家庭晨昏定省孝

行著名友于篤志伉儷抒誠一門雍睦梓里羨稱富而好禮聖訓是聆德乃日新湯盤有銘奈何天道深遠難憑七月之朔忽遭災侵抱疴七日參朮無靈溘然長逝咸抱不平雙親垂暮何以爲情少婦青春鎮日哀鳴童年介弟孤雁飄零膝下幼女雛鳳零丁嚶賦載馳泣涕淋淋嗚呼哀哉君竟去矣才修命短慘目傷心平原不幸痛哭信陵論君學術博古通今論君處事排難解紛奮於立志稱賢稱能勇於行義不伐不矜近宗若雨遠紹參軍孰嗣高躅痛失典型生也有自去也有因長松千尺靈並九莖爲善獲報佇待傳薪君雖不祿終屈其身聞有遺腹或得後昆靈其如在來格來歆哀哉尙享

祭文六

維中華民國十二年歲次辛亥八月辛丑望越九日己酉姻弟姚瑾謹以清酌瓣香致祭於

妹倩鮑君伯雄之靈而哭之曰嗚呼伯雄君死耶君竟死耶君果抱何疾以至於死

耶憶元宵之前君赴金陵我來括州互致珍重纏綿語別此種情景歷歷在目乃青天霹靂噩耗突來嗚呼君死耶君竟死耶我接家報謂君得病卽自謂不起以君之年富力強非有沈疴不可藥之症而君何以卽自知其死耶以君之品行純潔非有聲色冶遊之好足以戕賊其天年而君何以卽自知其死耶君父勤勞終歲自奉薄而待人獨厚地方公益之捐輸戚友困厄之周卹無不慷慨相將積善之家必有餘慶而君何以卽自知其死耶君天性孝友待人接物必致其誠端品勵學均造其極天道無親常與善人而君何以卽自知其死耶此實令我百思而不得其解者嗚呼君死耶君果抱何疾而必至於死耶家報又謂君病革時對而母嗚咽言曰兒不孝不能永年幸善撫增弟又轉向我母指我妹曰我妻苦矣我妻苦矣嗚呼此情此景聞之心酸見之腸斷九泉之下君如有靈則見高堂哭愛子荆樹傷落花孀妻弱女悲嘯號泣我知君必又如何感傷而痛哭也君家資富有僉壬時覷覷君產前年隔江一案忍痛了結而君憤怒萬分雪恥之念寢食不忘至彌留之際尙以有仇未報

爲恨此心此志又何堪追想耶嗚呼哀哉君自邑中學畢業後我嘗屢勸君力學西文預備自費出洋固以遠大相期而君亦頗知憤發本年自金陵大學頻頻以西文函札寄我措辭均順適可誦暑時寄我二函更驚其進步之速而今檢閱遺書則物是人非使早知如此則又何忍勸君苦讀耶嗚呼哀哉我出遊幾二十載寒暑之假必一歸里獨今年牽於事濡滯括山而造物不仁偏於此時奪君以去致病不能視其疾死不能視其殮今弔又不能以一束生芻親奠几筵作嫁依人身不自主盡洛陽之紙莫罄厥辜竭大江之流難完恨淚嗚呼哀哉君音容渺渺此後欲求一見則萬萬不可復得君生前未竟之志惟有與飛雲怒濤鳴其不平而已至死後未了之事則我辱在葭葦當竭棉薄爲君圖之君其有知耶其無知耶嗚呼哀哉尙饗

輓詩一

鮑君伯雄瑞安人也今夏六月歸自金陵道出永嘉同事胡君鶴琴招飲於樂園余亦在座因識其人多材多藝識時俊傑歸里之日聞患沉疴不一夕不起嗚呼斯人斯疾爰爲俚句以誄之

丰采翩翩美少年沉疴一夕竟長眠青春佳婦痛何似白髮高堂悲可憐楓葉經霜愁黯黯荻花如雪恨綿綿鹿城追悼瞻遺像猶憶相逢六月天
萍水良緣憶樂園臨風把酒且傾尊金陵數載留詩句汽笛一聲返里門鵬賦何堪愁裏聽猿啼欲斷夢中魂英雄氣短嗟天會含恨匆匆赴九泉

輓詩二

胡炳宸

生來那得百年身卻怪穹蒼太不仁我欲問天天不語如何酷待讀書人
英年磊落鮑商霖早有聲華溢士林不信瓊才天所忌秋風搖蕩杳人琴
頻年行旅石頭城歸省雙親不計程今夏言旋偏遭疾頓教上界玉棺成

延醫無效禱無靈堂上椿萱涕淚零終日哭君悲切處山陽鄰笛不堪聽

妻嘆女泣苦難禁精衛誰填恨海深石縱能成夫可望空幃月冷總傷心

樂園暢飲甫經旬一別竟成隔世人今夏五月蕭山丁君時白以調查職務抵瑞與君相晤款洽甚殷迨六月中旬君來甌城余招飲樂園時南通張君研蕪長沙龔君鶴隴李君

潤吾慈利康君業滄及時白均在座不料自此一別遂成千古恨何如之故里噩音傳到日最傷神處是宗臣聞此噩耗余與同人多深悼惜而時白特甚故云

龍馬精神海鶴姿吾兒何幸得賢師今夏君開家塾暑課小兒金焯亦從學焉劇憐天喪斯文速居傍門牆枉

繫思

南國干戈未肯休風雷水火復相仇如今世局成何趣不若君歸天上遊

生有自來死有因天宮兜率去歸真曇花泡影終須滅遊戲人間二十春

俊逸參軍曠代無每從塵迹感黃墟蕪詞敢詔兼歌哭展敬聊當一束芻

輓詩二

李孟

嗚呼悲哉神難明兮天難測顏天跖壽英才失造物何為獨不仁厄運頻年降吾邑

拙齋骨冷謂薛仲漸潛廬空謂項仲漸輓歸樓頭映殘日謂楊剛鄉邦多少壯心人而今音容無消息

吾懷愁心猶未已秋來又痛參軍卒嗟君年纔二十三遊學金陵勞荷笈三載勵志

造詣深名山石室勤著述悲君省親今夏旋哀樂轉瞬秋光疾秋風瑟瑟愁殺人高

堂妻女咸飲泣吾為不平欲問天生死茫茫何處詰

輓詩四

李芑

蕭條秋氣滿江城玉樹凋殘涕淚傾知己有人悲宿草英才無命遽騎鯨三千窮路

歸遊子二十華年痛後生異日羊車休過市山陽鄰笛不勝情

造物從來最忌才顏天跖壽古同哀樂羊心血三年盡子敬人琴一旦灰夜雨拋殘

思子淚秋風怕上望夫臺嗟今事事都惆悵惟有文姬可贖回

輓詩五

林聰

論交未識荊州面哀輓惟憑一紙詞長吉多才偏天壽終軍弱冠未逢時農林種植

成虛願學術昌明失導師底事玉樓驚促召紅閨白髮淚交垂

輓詩六

何輔翰

天生俊逸自靈冲頭角嶄然早露雄愧我欲甯敦夙契十年心事兩人同子卒業於東郊君卒業於西南

素不相識至民國三年同肄業於高小一見如舊惟若平生於是君介紹鮑尊三葉棣甫予介紹鄭心巽賈渭溪林質中其明年遂以定譜

九月秋霜白雁飛迢迢千里伊人違郵筒怪底重重裏中有雙螯郭索肥君喜頑戲已未秋子客杭郡會

寄一信啓視無他惟有蟹脚三五枚

君素剛強仲弟矐同舟航海互提扶迄今幾歷星霜事尤說當年千里駒子與伯雄渭溪客滬時乘滬甯

車行李甚重予不能提渭溪目示伯雄伯雄解其意兩手攜之走至今遇渭溪尚引以為談助

彈鋏頻求尺澤鯢鵠情回首一歎淒南腔北調語難似惟有同聲貓與雞南京無鹹水魚鮮家常肴饌類

每逢佳節悶難排角黍壺觴遣旅懷僊侶聯翩尋勝地揚州一曲聽蓮娃辛酉端節予具雞黍邀伯雄渭

溪飲同日午後遊莫愁湖新荷出水把盞臨風聽漁歌一曲如有廣寒宮裏湖山無恙舊游已非前座若夢曷勝感咽

春光三月晚晴新淺草連天似軟茵最是江南景色麗樽前冷眼笑風塵時山前桃花盛放伯雄約予席

地小酌操鄉語人皆不識

征衣帶露動歸轅泪濕青衫日正昏汽笛一聲留不住匆匆握別兩魂銷辛酉冬予以事南旋伯雄送至

下關臨歧握別珍重再會一語迄仍在耳

柳堤十里復成橋一角鍾山淡可描向晚秦淮都畫舫隔溪風送月中簫每晚與伯雄徘徊復成橋聽秦

淮夜笛輒為低回不去

菊廳三徑一團茆籬外芙蓉柳外郊遍地關山行不得惟將風竹和棋敲壬戌秋余欲北遊燕趙西湖長

江旋以兵戈四起不果君亦以為惜時邀菊廳品茗對月圍棋尙可遣悶此情此景杳如昨日今則已矣夫復何言

園仍舊拓即名倉絕似西湖劉宋莊半畝方塘三面柳青山有約寄行藏春秋佳日予必與伯雄游倉園

聆園主仇棟之先生談養生之道心為折服伯雄意欲於瑞安後坪拓地數十弓為蓄蠶之所綴以亭榭任人遊覽

炊煙縷縷日西沉淺酌黃墟聽鼓琴此曲只應天上有人間已作廣陵音今夏五月廿四伯雄約予赴其

家小酌且鼓蘇州琴以有觴
其中惟某花三弄最愜予意

艱危門戶要人持甘苦十年各自知冰雪無痕靈氣杳奠芻已過蓋棺時

予在郡開伯
作古馳回時已

於是日早
晨蓋棺

痛餘多少傷心泪不被天公半點原正是秋風無賴甚人生到此復奚論

予知交極少自
則剛歸道山後

深幸伯雄志氣軒昂彼蒼
不仁遽使之歿可慨也夫

一別荒江期後會耗音忽報梗疑團前塵回首知多少寫盡哀辭淚用乾

自六月二十日
伯雄由郡返瑞

後郵書來往筆談無恙方期不日赴甯道過永嘉再
得盛會相隔七八日遽來爾耗殊令予驚疑無地

才器超凡志未伸彭殤同是夢中身丈夫不灑傷時淚却恨文章哭友人

時局如斯人生
若夢彼圓臚方

耻可死者固多蹈壽顏天理難可解以文章哭
時苟若以文章傷友然亦不能無恨奈何奈何

輓詩七

阮世臣

白門衰柳起寒煙旅邸逢君酒色妍最是秦淮秋夜月並肩醉坐綠娃船

壬戌秋余負笈
秣陵與伯雄

同逆旅過從樂甚置酒秦淮
花舫歸每夜永雨不知倦

三疊驪歌唱夕陽布帆秋下戴公鄉綈袍贈我情多少篋裏依稀尚有香

客歲壬夏予別
甯入剡臨歧

伯雄贈以西裝至
今猶存觸目傷心

煮酒重盟海上鷗往年僊侶話同舟覺來豪氣縱橫甚已薄元龍百尺樓

今暑歸省舟中
適遇伯雄聆

其言論不覺
驚為俯首

酒徒詩侶集吾家通老黃公水部郎獨有參軍人洒脫樽前大譽阮生狂

勵生質中苕蓀
諸子與伯雄

嘗來吾家談次伯雄必屏人與
予言及改革社會事互相期許

不情風雨逼秋深倚榻終朝忍淚吟最痛彌留時一語來生可再結同心

七月朔大風雨
伯雄感疾甚

篤初八晨予去
視疾適值彌留

高臺望子石望夫此恨人間未必無我向蒼茫搔首問衰時底事厄吾徒

伯雄身後家故
淒涼然尚有弟

更聞其夫人已有孕矣予獨惜其才
其志末世不得展其鴻略而死也

輓詩八

林 鋼

癸亥夏六月余以事南旋遇契友鮑君伯雄於故鄉縱談甚暢余與君同學十數年
他山攻錯獲益良多維時苔岑之好列譜者凡七人君最少總角時晨夕相聚無間
中校卒業後君入南京金陵大學余入浙江工業專校歲壬戌余離校應甯波青年
會之聘睽違四寒暑矣今暑君以養病歸里適相值亦緣也余家居僅旬日晤君凡
七次最後一次君則呻吟床第矣余以假滿不能久留諸事摒擋畢匆匆走別時君
病尚無大變猶作慷慨語約後會也七夕後三日余已抵甬因途中遇颶風困苦顛
連繼以痢疾抵埠後臥三日不能起延醫診治痢稍止正欲作書問君疾而君之噩
耗遽至青天霹靂震悸莫措夢耶幻耶抑訛傳耶家報之言固鑿鑿也而同譜葉君
棣甫之函亦宛然在也嗚呼痛哉君其死矣當立秋後數日溫屬境內颶風爲災吾

邑受創尤甚嘗偕君登城蹈勘災狀瘡痍滿目惻然憂之是日傍晚遄歸君遂以感
冒稱病明日走視君猶談笑自若毫不介意孰知君竟以此而殞其生耶彌留之日
余已離鄉緣會之數如是如是嗚呼休矣夫復何言君家植頗豐父母俱在春秋壯
盛兄弟二君居長姊妹數人已嫁君娶同里姚氏爲室結褵僅及數載舉一女身家
之累君實無之故能遠違鄉井銳志進取年來就學金陵行將畢業吾輩方以遠大
相期奈何天靳其年賈志而歿可哀也夫君諱公英字伯雄性孝友聰明好學同輩
弗如也生平懿行誠有足多者余愧不文未能述其區區而使其湮沒勿彰負疚實
深矣同譜七人年相若也鮑君尊三早逝後五年復有鮑君伯雄之變二鮑俱殤故
交寥落牙琴陳榻惆悵何如君殞於民國十二年七月初八日得年僅二十有三嗚
呼慘矣余聞耗悼痛欲絕爰摛詞十首以足餘意而哭其私
溫文爾雅亦聰明君是吾儕好弟兄劬學不知身有病三更燈火讀書聲
堂上椿萱福壽齊庭前况有紫荆枝一家溫飽原堪樂萬里鵬搏正相期

橫睇中原感劫灰烽煙未掃又凶災匹夫自有興亡責後起如君亦壯哉
不爽巨元雞黍約相逢且喜在丁年別來最是思君處渭樹江雲薄暮天
如何一病竟長辭天道茫茫甯可知修短原來關造化能無遺憾誤庸醫
彩筆竟書絕命詞可堪伯道更無兒親恩未報涓埃願忍見彌留泣下時
剛自金陵游學回城頭晚步肇飛災英年不祿原堪痛我爲邦家惜棟材
譜牒閒翻帶淚看苔岑舊好幾凋殘而今季氏魂先化我未登堂一撫棺
手撫遺容思悄然相逢此後竟無緣臨風剪紙空憑弔淚血何曾到九泉
十載論交骨肉親愴懷往事等浮塵青衫已濕傷時淚又對秋風哭故人

輓詩九

叔 鼎

韓家阿買能學書杜家阿宜好頭顱吾家猶子兼而有時人號稱雙明珠我將佳器
相期許亢我宗兮耀我祖誰知造物偏忌才在孫之輩空有汝庚申八月哭叔平蒿
歌一曲不成聲吁嗟伯雄今復已年華各祇廿三齡伯雄言志大且遠負笈金陵最

勤懇我國自古本重農求學務求國之本倘伎三年學業成乘風破浪萬里行熱心
直如釜上氣嶄然頭角露崢嶸倜儻權奇稱駿骨涔蹄一試遭顛蹶痛失吾宗千里
駒空負平生志突兀秋金爲虐汝病溫我亦養疴正杜門世事反覆如雲雨少者沒
兮老者存老眼欲揩泪痕濕秋風淒涼天亦泣爲問魂兮歸來無竹林惟聞風颯颯

輓詞一

論文析義同研几當年蹤跡常耦秋月與春花更相將攜手鵬程羨汝又整翮攬六

朝烟柳期爲故鄉社除稂莠農林有就

君肄業金陵大學農林科

歸權拂薰風多情也來訪幽居

故舊偏把晤無緣嗟人莫予覲何期未聚首已變作人天判袖空悵憶十載情懷月

落屋梁候

君暑假歸過我不值竟未一聚首遂赴玉樓之召哀哉

多才長吉嗟無命風摧當塔玉樹堂上老椿萱儘相思酸楚陶嬰心更苦痛膝下蘭

芽未吐白馬素車西州舊路淒涼如許

蕭索望江山正紅葉驚秋素商時序恐黯

淡昊天也傷君歸去弔君酌酒醕問室邇玉人何處待吟就楚些招魂未寫泪如雨

去年秋半成歡飲南浦江天煙雨四座酒微酣雜高譚笑語而今秋又暮新愁積

故人何處惆悵當時高陽儔侶遊仙獨去造物妬英才只年少俯仰已隨塵土况

離合悲歡似浮雲無據秋人兩寄寓奈秋去重來如故空相對萬萬木蕭蕭化鶴歸

無路

壬戌之秋君與勵生永人諸子飲雲江酒樓時余亦在座酒酣耳熱相顧樂甚今秋則依然而君已化去今昔之感不禁慨然

張士琦

輓詞二

追慕參軍俊逸興弧矢雄心拂行旌裘馬駸駸五陵豪結客擲千金便看盡濁土繁
華世情澆薄都乏知音駕蓬策喜接神僊儔侶弱水渡千尋 心耿耿淚泔泔去招
魂那處楓林苦難分周夢蝴蝶想魂來誰辨也而今最怕見纍纍荒郊青春黃土鬼
哭天陰却教我觸動愁腸百折司馬泪痕深

趙增榮

輓聯

鄉邦農業尙在萌芽鴻誨正需材原期學就功成爲吾校大施異彩
旅邸言旋偶纏造化鵲橋纔斷渡遽爾辭塵解脫恨此生未遂夙根

瑞安農業學校

事業勳名慨往迹

輸財助學記前情

民國十年敝校建築校舍向各處紳士紳籌捐君慷慨輸十多金滄海細流不無少補爰綴片辭以誌哀感

瑞安西南完全小學

實業擅專長博學能勤特爲顯愚開利藪

吾鄉多屬望秋風爲厲竟教利那赴修文

瑞安城區區立國民分校

學術放晨晞望君造福鄉邦能爲吾曹樹模範

才名方旭日遽爾修文闈苑頓教梓里起悲思

瑞安東南初級小學校

參軍俊逸千里壯遊實業正潛研立志願為桑梓倡
安定淪亡一週纔屆輓歌重提筆傷心各是桂花詩

同事胡君哲夫亦是去秋仙逝
開會追悼撫今思昔能無慨然

瑞安外西南北完全學校教職員

置身大學習蠶桑又習農林力志已三年相期偉業攸成光耀門庭操勝券
待遇同鄉能周濟更能迎送歸家纔兩月豈料沉疴不起後先誄輓慰幽靈

南堤學校教職員

學未竟其切磋琢磨而死
人無間於父母昆弟之言

瑞安公立講演所

秣陵遊學梓里省親卒業總非遙遠大前程無限量
上有白頭下乏黃口青年成永訣淒涼後事不堪論

瑞安魚業公會

若天許假年伯樂相逢自負才當空冀北
惜學未卒業金陵徒返可哀我為賦江南

呂渭英

好學竟亡身最可憐白髮高堂青春幼婦
奇材偏促命真所謂人生到此天道甯論

張成謙

關河修阻俗務稽遲宋玉愧無才秋水招魂難作賦
學宗儉德智濟平民元方喜有弟名山石室許傳經

張正恩

妙年不祿壯志未酬李賀才華偏早世
時局如斯人心非古汪倫感想自多情

汪惺時

哀計到鹿城懷疑無地

君病未一週遽爾作古凡有
一而緣者無不爲之咋舌

哲人作黃鶴何日重來

半月前君來郡晤言一室殊慰積懷不料
汽笛一聲卽作永訣遙想雲天曷勝酸楚

林震東

樂園親雅範論茗談心持螯下酒太息斯人斯疾一夕長眠石火電光感此餘哀千
古恨

高堂揮老淚扶筇蹙額洗爵奠觴更憐佳婦佳兒終朝痛哭荻花楓葉瞻君遺像滿
天秋

龔潔

蒼昊最無情竟使哲人其萎

英才偏不祿頓教鄉國同悲

吳滋生

石室縱觀人羨懷才鮑明遠

玉樓遽赴我慳識面韓荊州

張堯卿

韓荊州相識有緣甌海憶流連明月好同豪士飲

李長吉懷才不遇玉樓催作記清風無復故園來

伯雄先生留學金陵已歷數載才華落落欽企久之今夏過永得與遇飲樂園暢談竟夕真奇
緣也詎假歸未幾忽聞疾卒文人不幸一至於斯仰望天涯曷禁感咽用綴聯語以誌哀悼

康業溍

與君杯茗談心傾蓋若平生風雨論交同調妙

悵我甌邦作宦俊才嗟阨運關河感謝故情多

張毓芬

參軍俊逸學有淵源江左記長留足慰白髮高堂矧見成名光世第
大地擾攘時嗟荊棘海疆更多故怕看紅羊慘劫早尋覺路暢仙遊

趙守昕

訂交入室其樂融融雲月間一別千秋同氣印苔岑戴笠乘車誰與共
試望當時人材落落念我輩相期遠大驚心值風鶴吳山越水倍關情

單先偉

君正係長吉多才惜大志未成遽爾神遊蓬島
我未識荊州一面嗟哲人不壽更使吾輩傷心

戴啓東 林律孚

人孰能與京志在成名果是後生可畏士
天若假以年充其所至必爲當世有用才

王竹叟

剎那將成霖雨用
旬朝竟喪濟川才

葉慎抱

中經西緯羨淹通况績學有年久欽曠世逸才國士將來應共譽
風伯雨師剛肆虐奈昊天不吊又酷讀書種子瓊樓高處促歸真

曹忠元

結念霄漢委懷琴書負此不羣才得志定爲天下雨
黃口無兒白頭有老魂兮歸故里悲風怒作海門潮

歐陽顯

遊跡話蒼涼虎阜歸來閱世滄桑成小劫
吟聲飛碧落龍華會啓滿城風雨作重陽

聞起 鄭猷

人心不古直道維誰惟此君慷慨傾囊處異地同鄉尙效分金同鮑叔
天意難言英才偏折奈數日彌留易篋棄紅顏白髮何堪不祿似戴逵

吳鍾鎔

志存實業學尙專科萬里正前程胡天靳華年竟蕉萃凋零而死
白髮在堂紅顏未老重泉難瞑目幸人懷故誼有纏綿感悼之文

馬毓驊

造物何不仁一樣甘羅遭短折

哲人更無後千秋伯道有同悲

莊以臨

山川毓秀竟不永年此番召赴天庭好偕長吉僊踪共上高樓題妙句
造物忌才已成老例異日若來塵世不得錢彭大壽幸毋投足入輪迴

李忠樹

造物竟憎才如此犖犖奇英一旦身隨秋草萎

斯人堪嘆息頓教茫茫遠道兩行淚落客愁長

王承斌

是大學中領袖名流值時局多艱曾否效陳東上書林宗論世
從千里外擔簦適志正席珍待聘胡遽向玉樓作記金闕修文

李瑞麟

賈生志壯王勃才高夙願竟難償一瞬青雲成幻夢
遠道關懷斯文不見撫時增感嘆半江黃葉咽秋聲

楊鷗

爲學而戕生天下青年應墮淚

悲秋兼嘆逝人間明月怕當頭

倪文堯

十載雄心悲逝水
一番客淚洒秋風

張繼生

去世太倉忙怕聞寡鵠終宵泣
吉人應有後願聽祥麟墮地聲

王光熊

鞭馳鍾阜棋賭中山三載勵苦心豈其老圃終身春水方生歸養志
思子有臺望夫化石一家多恨事歎息參軍去後秋墳忍聽鬼吟詩

錢熊壖

壯志猶未酬最難堪堂上雙親膝下呱呱女
英才竟棄世真可歎文章憎命造物忌才

陳祖謀

倜儻具遠志慷慨喜疏財遊學到金陵我輩得交斯友
世事值紛更英才遭短折噩音傳浙水人皆痛惜其年

蔣樹春

別去幾何時潭水桃花舊恨空餘清淚在
逝者不復作青林黑塞精魂尤憶故交無

張肇騫

少時誇李賀才名空餘夜雨青燈寡婦吞聲老親墮淚
何日似方干贈第太息秋風白下人來肄業君去修文

葉正度

鮑君伯雄英年卓學肄業金陵大學今夏歸省卒於家爰用昔人輓金仲和廣文聯語湊成一聯書輓以表哀忱

明遠許通才期利國福民趁此青年酬壯志
章安傳噩耗弔白雲黃葉徒教同輩惜英豪

白下習農林竟把身軀殉厥學
青山埋玉樹還爲社會惜斯人

屠居義

生死縱無常若茲玉折蘭摧天乎難問
壽天原有數毋教臺思閭望魂兮歸來

王復

天上瓊樓驚遽召
土中玉樹痛長埋

鄭寶琳

曾習蠶桑繼習農林復具落落英姿白首昔相盟願作世間服務者
雙親在堂弱妻在室更有呱呱孤女青年竟不壽是爲今之傷心人

富勳

就學到金陵共仰文名齊北斗
省親歸甌海偏教老淚灑西風

姚祖舜 羅貽誥

負笈頻作秣陵遊看指日成名玉樹干霄欽卓越
策時常抱賈生願奈秋風慘淡曇花轉瞬慨凋殘

史鑑

乘風破浪懷宗愨
入地修文泣子淵

陳蔚華

蓋世英雄悲短折
匡時學術未完成

林鎔
銓棟

江克修

負笈金陵志存求學育材梓里念切匡時如斯願力幾人能奈何造物忌才竟教玉樹埋黃土

白雲親舍望斷溟鴻午夜嬌闌聲嘶寡鵠此去英魂知不泯定效子胥孤憤怒作銀濤撼碧空

陳珍

三生仰慕幸得識荆英質雄才欣談吐
旬日微疴遽傳凶耗霜天夜月助淒涼

張光業

濫竽歇浦孤棹歸來平子最多愁日暮途窮誰哀阮
負笈金陵羣英馳慕荊州纔識面秋風落葉遽傷君

阮鼎孚

儉德千言推別抱

心香一瓣哭先生

伯維先生提倡經濟學說平民教育頗力於英文一道寫作尤為優美余心竊儀之以謂獲交益友矣不料今年七月遽以疾卒尤在耳音容已渺回想身世不禁為之淒然

郭壘

華蓋傾心危樓快酌蓋慙得如君正望桑麻留後約
陶朱事業劉阮生涯偏隅困故我纔知緣數訂前生

陳鑑深

視其形也雄偉聆其言也非凡倘教伯樂相逢落落英才宜早達
事乎親以孝敬待乎友以忠信只奈巫陽下召茫茫天道總無知

張堪霖

學自超羣識方恨晚
才堪濟世天不永年

言論丰采卓越羣倫萬口同稱鮑明遠
志氣文章睥睨富代千言未上韓荊州

湯福仁

慕宗慤破浪效終軍請纓素願竟多違嗟我又亡一友
同李賀嘔心等汪躋死國青年悲忽逝想君別有千秋

陳承賢

新雨正聯權杯酒未寒今已去
青雲方勵志玉樓遽召我尤悲

黃公權

天道茫茫蠟屐黃墟難弔夢
予懷渺渺素車白馬黯銷魂

李光迪

仲宣善病平子工愁橐筆自豪遊當年白下聯吟曾向旗亭同賭酒
仇覽懷鄉相如止渴蓋棺長溘逝此後越江泛棹空從天未悵招魂

陳定真

負笈到金陵壯志豪情留衆範
同堂談儉德名言別抱足千秋

同前

熱心教吉乃救國明星可憐造物忌才千古空留遺恨在
矢志讀書爲側身基礎遙想金陵懸榻五更應有旅魂來

汪遠涵

風雲材略終賈年華刮目看囊中脫穎
三甲無災六丁作祟傷心失弦外知音

汪雪懷

十年螢案未獲成名方期種玉藍田和樂家庭聯淑耦
萬里鵬程無端摧翮忍看吹箎仲氏淒涼涕泪泣靈輻

夏鐘珩

我愛其行又愛其志方期振翮高騰異日圭璋成大器
天予以才不予以壽慘今賈志而歿他鄉風雨倍傷心

林驥宇

白下歸帆二豎爲崇李賈才華僅有聲名留儕輩
皖江寄跡雙鯉驚傳江天迢遞空揮涕泪弔英魂

吳步瀛

別夢戀金陵負笈從遊如此江山沉虎氣
交情慳玉案征帆待發那堪風雨作龍吟

譚家琦 趙聞濤

應有夷吾悲鮑叔

陳國俊 潘紹岳

空教李白慕荊州

伯雄先生與任雖無一日之雅而閱追悼會啓心儀其爲人有叔仲之風因綴俚句以表微忱

范任

逝者如斯未遂冲霄鵬鶴志
天何太酷竟摧拔地棟樑材

潘家驥

比鄰二十年羨乃翁商戰稱雄美宅良田得子詩書能遠大
抱疴七八日愧吾輩藥醫乏術曇花泡影令人痛哭好男兒

池志澂

南郭奠新居堂構相承宗族鄉閭稱令子

金陵剛返旆膏肓遘疾葭蒼露白弔斯人

管
瞻奎震

孰生之孰死之天胡可問

斯人也斯疾也命復奚言

林大閻

遠方求學卓著賢聲太息賈生賞志歿

綺歲多才遽遭厄運那堪屈子招魂哀

王潤

慧業本生成每懷明遠風規歸自客中便座雅談常契我

英年偏不祿爲感黃墟塵跡况叨苧末瑰才賞志益傷君

鄭德馨

如此克家令器遽召修文那堪高堂揮老淚

將來救國良才不幸短命固教吾黨倍傷心

許鑄

立志不凡惟願雲程搏健翮

望衡甚近忍聞風笛發哀聲

李炳光

君方壯歲青年正遊子求學名都會有榮名傳後起

我亦西河餘痛倘乃翁相逢南郭應揮老淚洒同情

楊紹廉

歲月日中天倘教萬里乘風奮發功名冀北他年無以並

江湖秋滿地忽聽一聲唳鳩蕭條門巷城南從此怕經過

李芑

遊學多年期爲梓鄉啓後進

耗音忽報忍教蒿里播哀聲

余思勉

素志恣豪遊剛從吳下歸來夢豎爲災驚遽逝
青年偏不祿爲感城南課讀弔君老淚慘同揮

伍守彝

有革新志無澆浮氣卽此足異時流竟出自富商子弟
具堅忍心攻種植學使天假以歲月定可成實業人材

張彤

鄉校憶傳經况彼澆風晤對尙知弟子禮

天公如假歲充其學識展施可作棟樑材

楊慕廉

修業就金陵品學兼優恨未荊州識面

昇僊依玉闕英才不壽竟同長吉嘔心

王翰藻

白下賦歸來爲學亡身悲明遠

青年驚短折傷心墜淚泣顏回

陳經 沈公鐸 項大受

遊學歷三年夏日優閒江左歸舟瞻秀度

省親剛匝月秋風蕭瑟山陽聞笛惜英才

郁文 韓玠 江湛

挾策駕甯轅無限鵬程深盼望

抱疴返甌棹未週花信遽凋零

陳豪 金連聲

友道敦肅學詣純修天若恤其才必得成名爲肯構

少婦泣房老親反經年衰莫此痛可憐營奠到停春

孫延珍

秋風傷瘞玉

夜月慘歸魂

項廷珍

甯垣送別託寄書郵方欣後會有期退食公餘常得故人同聚首

甌海遙歸僅逾旬月豈料訃音猝至梓鄉遠隔每懷執友倍酸心

洪彥杰

君誠學富終軍遠到自期萬里雲程將發軔

我愧才疏宋玉大招空賦三秋風雨黯銷魂

同前

學成已軼類超羣脫教天假以年辨土相宜何難為母國農林大闢異彩

永瑞本連疆接界偏恨我剛無暇隻雞斗酒只得煩沿途驛站上奠靈幃

張世華

惜君大志仍虛抱

愧我庸才未久交

余從事蠶業十餘年來頗少同志互相研究去歲聞君投身蠶學暇時趨謁即詢查邑中蠶業有無最盛之區因告以雲江上游植桑育蠶地廣人衆但無學者為之改進以致成績不佳故迄今數十年未見發達君聞之欲圖卒業後互為倡導心頗踴躍且常賜教言宛如故友足見君熱心實業非泛泛者比奈天不假年半途而棄不但彼處之不幸即余亦切磋乏人仍為孤掌殊深惋惜因作數字為君一哭未識有志者亦能助我一哭否嗚呼痛哉

林馨

遠志干凌霄憶少年性存厚樸學擅決明復兼製錦文高羣儒西黨傾心咸謂熊胆
歷苦參何竟花開遭旋覆

當歸傷沒藥痛今日翁已白頭幼尚青黛更慘紅娘血灑長此南星斂影無奈兔絲
難續斷嗟予淚湧泣胡桐

吳中立

壯志欲空前奈何翼折搏鵬蚤歲修文歸上界
善人終有後惟願懷投飛燕遺孤阡表慰幽靈

王廷佐 李 郁

綺歲工吟不讓參軍俊逸
賦詩作誄愧無水部清才

何壽星

博學能精欲把農林興地利
溫邪作祟忍教桑梓失天才

洪彥達 姜公輔

王天佐 林煥燭

熱心實業頻心兼課桑麻倘造物不妬良才使學竟其功定著國民之偉範
屈指妙齡猶欠一番花信奈曇花空成幻相傷君太無祿偏先顏子而折天

劉法道

爾我兩姓夙訂知交有子可克家方令六十老人傾耳與聞堂上福
農桑三年咸欽績學何天不佑善劇憐弱齡少婦傷心只見夢中魂

項玉潤

妙齡幼學久爲同校所推崇倘教天假之年實業振興商界定開新智識
盛暑還鄉曾過吾廬聞緒論詎料病無多日人天遽隔比鄰忍聽輓歌聲

洪彥威

值茂陵秋雨同病相憐老天忌英才偏讓白頭人獨健

蔣 煦

秀穎譽金陵九仞爲山功未竟
涼飈摧玉樹一川逝水恨難勝

葉葆祺

五濁時代誰卜安危身世嘆無聊真個潭月鏡花色不異空空卽色
千里龍駒竟遭天折儒林多太息得集哀辭誄語生何妨死死猶生

林國璋

識荆有願御李無緣廿三歲絕妙莫姿志氣不凡深望成名倡實業
病篤膏肓醫窮針砭四百里飛來警耗雲山遠隔不能縮地弔芳魂

王來源

學求實業望拓開萬里雲程造物何茫然竟令壯志未伸玉棺遽下
節近重陽怕聽到滿城風雨招魂真黯爾况復婦啼閨閣親慟西河

洪壽錢

君具四方志未展奇才浩蕩江流令祖士雅誓空鞭楫

唐鈞

我曾一面緣遽聞噩耗英雄清淚爲宗汝霖洒滿衣襟

鵬程未度鵬賦遽吟賈志重泉匿采韜光留缺憾
思子臺空望夫石爛大招何處秋風夜月泣歸魂

金玄

鬼籙於今登俊傑

章德榮

口碑終古載偉才

遊學客金陵看石城虎踞鐘阜龍蟠六代感興亡古憾今愁無限蒼涼魂夢杳
省親歸甌海正籬豆虫鳴宮槐蟬噪一朝辭塵世朱顏皓髮不堪寞寂淚痕多

陳剛

求學具熱情緣鵬翮未舒暫舍高堂趨北闕
還鄉纔匝月慨玉樓促召忍看老泪慟西河

楊鍾麟

近宗若雨蜚聲博學成名遺跡待刊敬亭集
遠紹參軍俊逸才修命短令人怕讀鮑家詩

王克棟 許達 張桂芳

數月關魚書憶芝範久睽無限海天愁去路
一緘驚鵬賦悵椒漿遙奠不堪風雨夢前塵

王珏

金陵返棹纔易蟾圓歸省克償遊子願
明遠多才竟干鬼忌秋墳怕聽鮑家詩

陳哲

舟楫陶情葦岸同游如昨夢

六月初旬晤陳民園林時日落涼生相與棹舟北湖盡興而返

盤殮養志梓鄉少住遽千秋

君暑假歸省方欲越裝遽嬰暴疾傷已

李笠

半月前趾辱蓬廬聆君言若風生的是青年佳子弟
數日內身歸蓉館令我泪如雨下何堪黃土埋英雄

項川

憶君十歲從我兩年大器望將成何遽落花悲逝水
歸甫二旬病纔七日諸醫均乏術劇憐堂上與閨中

廖公羣

晤談纔了凶耗旋來去日竟無多知我叔牙歸大夢
垂暮高堂頻揮老淚承歡猶有弟傷心伯道莫啣哀

蔡愷

積學歷經年品行俱優何竟中途遭慘劫
唔譚甫數日耗音猝至不堪隔巷泣秋風

余就館高隣僅隔一巷今聞噩耗爲之惻然

參軍有俊逸之才遽悲不祿
賤子恨長生無述以壽斯文

郭鄂

農林初步蠶業垂成花信當年華浩浩前程定爲梓鄉謀幸福
白髮慈親青春少婦桐棺環哭泣茫茫後顧豈徒蒿里動悲歌

余思賢

大鯤斥鷃天定其才縱累德如山亦難變易
天桂敗蘭家遭不造歎浮生若夢幾何爲歡

金翊

羨君學擅農林天太不情偏忌英才逞毒手
悵我身羈校課曷無稍暇勉聯蕪輓索枯腸

唐闈

吾甌實業寂焉無人方冀道岸快登大爲農林光色彩
曠世奇才每多不祿爭奈事功未就頓將辛苦屬江流

林炳坤

爲學將大成辜負此三年立志
論病非不治緣何僅八日歸真

朱凱 王駿聲

少從我遊回憶執經如昨日
長成大器可憐生世不長年

趙輔

君死殊堪憐素願未盡遽拋這家庭社會
人生沒定數究竟如何豈照那果報輪迴

楊時中

魁梧體魄壯盛年華忍教一病彌留千秋黃壤
少婦深閨襁褓弱息此去應更眷戀二老白頭

曾

勉約省

同學少年如君能有幾人農業重專科方冀成名光故里
傷寒微病屈指僅逾七日醫師竟乏術忍教揮淚哭良朋

王毓焜

孫達

大陸將沈偷生何足惜

比有八月中
句陸沉之謠

九原少慰客死甯於鄉

伯雄去甯已感瘵疾歸來原爲養河不期竟歸道山然客死異鄉就若歸敝天倫而後死噫
此亦無謂之慰慰其家人耳

吳公冶

學博心堅隣和友睦數同里少年如廬峯獨出
親悲婦哭弟痛孤嘯嘆一家酸淚共江水爭流

黃宗芭

東海驚濤期壯志

西山落葉動秋風

同前

出同寓人同舟同學同心天道難知一夕耗驚落葉
弟哭兄親哭子哭夫哭父家危誰恃萬行淚盡秋風

阮世臣

游轍各一方月前滬旅相逢客路悠悠同返棹
沈疴纔數日天上玉樓促召予懷渺渺束生芻

董允輝

總角訂知交羨君氣宇非凡鵬搏滄溟方期爲桑梓爭輝朋儕生色
仔肩深負荷遽爾微疴不起鶴歸遼海何忍看椿萱洒泪婦女含悲

天心何足論碩德不昌吉人無後家室未完親已老
幸福究難全事業未成一簣功虧英雄寂寞淚頻揮

張士琦

浪乘萬里學足三冬昂首作長鳴冀爲湖山騰壯彩
白髮眼枯青鬢腸斷傷心悲永訣不堪涕洟洒秋風

高普嵩

訣別未躬親憾我異鄉爲異客
深交尤誼重悲君多學勿多年

林駿

鐘阜正歸裝惠我肯來猶幸新秋謀一面

蓉城遽返駕知君賈恨還多後事累雙親

伯雄學兄自金陵假歸於七月一日祝我同仁醫院縱談時事約三少時不料七日後遽爾奄逝電光石火能無黯然

吳炳章

梓里急需才君何遽玉樓赴召
蓼莪深抱恨我正從閩嶠歸來

朱庚

廿載韶華悲逝水
一生學業付東流

何埒京

天道茫茫英才不祿
深閨寂寂恨海難填

王鏡濤

秦淮月色玄武柳絲小別經年回首舊遊成昨夢
峴樹蕭疏甌潮嗚咽大才短世招魂熱淚洒秋風

王郁

明珠破碎黃鵠悲離世路驚傾欵灼灼曇花都幻景
志礪三年功虧一篑長材竟短馭莘莘學子共傷心

陳芬

白玉樓中召促去上拋二老下慘孤娃長吉有靈悲化鶴
石頭城外棹舟歸纔了生離竟成死別共姜永夜泣分鸞

項達

遊學已數年方期壯志飛揚欲冠羣材稱博士
相逢剛一面忽報英才溘逝頓教朋輩共銜哀

林永得

吾友殆孤標神鶴色相難留從茲月冷空幃定抒幽思傷嫠婦
乃翁得千里良駒家聲克振際此霜飛子舍應揮老淚哭佳兒

林煒然

三年矢志白下初歸相見僅須臾忽報優曇證碩果
一紙喧傳陸沈同盡知幾先寂滅甯親螻蟻遠魚蝦

林景綬

同學越三年記共侍馬帳春融程門雪滿
耗音來萬里正獨對楚山木落黃鶴樓空

許育璞

建業才歸帆秋月舟中同話舊
蓉城悲促駕春風座上悵離羣

李杲

一別荒江驚噩報

戴家祥

滿城風雨哭參軍

戴序

父能食力母善持家得君有志四方稽古讀書行見錦衣歸故里
妻正妙年女方幼抱當此傷心一別呼天愴地定教血泪染重帷

蘇毓琳

修短其命乎良可慨也

死生亦大矣豈不痛哉

李宣 胡肇秀

閱歷名場終竟才人無福命

消磨心力祇緣文債與親情

陳煥文

記從前同學相知樂數晨昏歷久論交如一日
問好友而今有幾浮生幻夢不堪小別竟千秋

姜敬賢

才獨過人遭世忌

病非不治誤醫庸

鄭俠

江南就學暑期言旋菽水承雙親未盡歡心先撒手

塞北寄身涼秋聞訃雲山悲萬里空教洒泪奠英靈

項响

二千里擔簦負笈奮志潛修正講求農植研究蠶桑撒手遽西歸如此英年如此命
廿三載石火電光竟成幻影奈堂上雙親閨中少婦傷心悲永訣難為死者難為生

吳仁裕

共學五年前當時夜漏晨鐘曾證同心盟車笠

歸真六月後回首龍蟠虎踞空遺苦志損聰明

黃毓麟

三載客金陵方期卒業歸來無限新思輸故土
一朝返甌海遽染沈疴不起那堪遺淚哭同門

楊式

助

英雄黃土富貴浮雲世界盡滄桑君去安知非幸福
蟪蛄春秋蜉蝣朝夕人生同泡影耗來那得不傷心

楊鍾鏞

蘭臭忽凋殘座客驚心違向琴樽開北海
緋衣旋促召曇花幻相忍看老淚洒西河

李任

壯志羨英年萬里程途無限量
抱疴遽逝世一時商界各啣悲

趙國華

來日祝方長能知尺璧寸陰同志偏因勤學誤
昊天何弔不遽使蘭摧桂折愴懷豈為感情深

林春安 陳作鴻

能自立難能亢宗難能通達事理尤難多藝多才矯矯青年何不祿
為友誼哭為學界哭為維新時代益哭斯人斯疾悠悠蒼昊太無情

劉煥章

國事甚關心抗疏應方賈太傅
收回旅大事君與金陵同學
聯名通電上疏頗具毅力
吾儕何不幸長才又失鮑參軍

高福來

我國何殃如此青年竟作古
皇天不弔無窮壯志盡成空

君年二十餘博學能文克媿中西先哲
路隔數千里弔喪修唁有慚蒼括同儕

管
延世綸

君歸故里我客他鄉問疾獨慚慳一面
誼似芝蘭居同桑梓霎時竟作別千秋

韓
汾

此別隔千秋我獨何心能勿悲今日招魂昔時聚首
浮生真一夢君如不昧怎得慰高堂二老綉閣新孀

同
前

鬢序久蜚聲議論風生悲短折
儒林遭厄運江河日下失瞻思

李
翰

同學閱四週舊雨聯床如昨夢
返鄉才一面秋風送笛不堪聞

王
銳

卓識冠同儕頻年讀汜勝遺書懷抱經猷堪裕國
奇才偏不祿此日聽山陽鄰笛賦成感舊黯銷魂

張
偉

春秋逾廿載最難自中學而大學高誼薄雲天當世如君堪屈指
逍遙逢壯歲可憐上雙親下妻女合家齊慟哭泉臺回首亦傷心

王
啓文

吳郡客游祇恨歸來慳一面
秋坟鬼唱有靈魂魄戀雙親

王
綸

少知勉學長知立身奈何壯志未酬花信年華隨逝水
死者已矣生者奚堪忍令雙親垂暮木樨時節泣颼風

胡簡

造物太忌才竟斯人遽罹此厄
彼蒼何不憫痛吾鄉又失青年

蔣貽書

登高凭眺有景象萬千解帶披襟夏日嘗陪康樂屐
歸夢淒清弱朋儕一個噉猿唳鶴秋墳又和鮑家詩

林鏞

如此少年竟不祿
是何天道總難知

陳兆嘉

聽雛鳳清嘯可望儀家何如鏃羽金風珍禽難護
看大椿貞柯允徵福蔭爭奈伐枝烈雪古木空華

洪煥
塔

憶從舊雨聯吟音容如昨洒泪秋風悲故友
將爲地方興學有志未成忌才造物奪斯人

洪錦波

高堂白髮羅帳青春何遽人地修文此去衷懷未了恨
熱血一腔雄心千里竟使遙天赴召我來弔奠亦多悲

黃宗濤

七閱年往事縈懷記從仁里唔譚早向人前提實業
廿餘載時光彈指慘籌錦衾訣別空留曙後送儒生

王佐 陳超

中原荆棘大陸龍蛇方期志士挺生奮力釀成新世界
內地瓜分外隣虎視際此民權振起彼蒼何苦奪英年

林飛翰

二十有三年未到長吉子安文學白頭從古鮮
七夕後一日莫言堂上膝下孀閨紅淚幾時乾

張權

卒業中校就學金陵一病駕言旋遽爾修文赴上界
白髮高堂青年寡婦孤雛遺在抱那堪對泣繞靈幃

邱宏 陳靈長

死生亦大哉最可憐鼎盛年華淹通學問
椿萱垂暮矣何忍睹綉幃月冷子舍風寒

黃宗爽 吳煥章 金大中

造物偏忌才竟令王子安少年殞命
斯文如未喪預卜歐陽公有後必昌

郭雋

青鐙黃卷十載殷勤滿望鵬搏酬壯志
雅管瑤琢一朝響絕傷心鶴馭正中秋

金衡

觸目瘡痍拔劍嘯歌頻斫地
關懷桑梓倚裝邂逅遽生天

金錫
麟麒

三載農林歸省日

洪煥增 王毓燧

一天風雨斷腸時

君學有專長致當圖強地府修文何促召
吾居近衡宇望廬思舊山陽隣笛不堪聞

喬晟 何俊良
曾魯 蔡芹芳

宿草憶參軍鬼唱秋墳增昔感已友叔平君之族兄歸赴道山
已歷四年每念及之涕淚潸然
曇花悲明遠人懷春樹起新悲

李復

三年鄉校慚同學

黃渡 林樹炎
吳朝章 季鵬

廿載比隣失健材

安鏡濤

積學已數年最難得力志如君相期光大門庭寵榮鄉里

歸家纔兩月何遽爾厭心斯世忍令望夫石爛思子臺空

蔣舖銓

農林有志終遺恨

薛煥奎

天帝何心喪善才

同學最相親憶棹返金陵入夏曾陪連夜雨
青年竟不祿痛庭凋玉樹臨風先殞九秋霜

何劭漢

昔失德祖今喪參軍何處聯床話夜雨
下寡共姜上痛子夏一堂揮淚泣秋風

李瑞林

君乃金玉其相特達有期造物忌才嫌太忍

我係葭葦之末耗音突至東芻釋奠痛無聊

韓樹藩

抱病墮七日藥石無靈死而不明真相
知交已十年苔岑遽絕生者何以爲情

鄭閔禔

何輔餘 葉詠唐

魂髣髴兮來夜夢

我無淚也寫哀辭

鄭閔禔

吳越溯前遊說不盡月夕泛舟花晨品茗霜朝鬪酒雪夜圍爐論交似叔牙剴切言
學比明遠清新古誼豪情深幸葭樹堪依輔車相助蒼昊太忌才遽召玉闕芙蓉城勿
許寰區留大器

人天嗟永隔忍當茲落霞苦憶秋水凝神疏柳感懷斜陽搔首訪舊繼工部驚呼傷

時共劍南潦倒縈思積悶孰憐哀腸百結心緒萬端苔岑如可續除却他生來世更
無善法返英靈

何輔餘

交賸六人百年期永好

病無十日一語痛彌留

葉詠唐

樽酒結良緣知君大度與談蠶織農林引水追源真有味
千金謀實業愧我虛名欲啓鳩愚茅塞分條釋縷更何人

王穎

十載訂知交抵掌高談歷歷舊情難回首
一朝染微病辭家別友匆匆返璞倍酸心

蔡友芳

羸膝履躄江海飄零憶當年白下相逢潭水桃花送我惓惓情獨厚
死別千秋生離數月問此後人間長棄屋梁落月予懷渺渺感如何

周桂榮

溯當時及門諸子握手言歡離別幾多年孰期物換星移搖落英才傷知己
方暑假客旅歸帆風情逾昔同袍求興學何遽素車白馬淒涼南郭動哀歌

項時化

八九載客居仁里記魯魚共析風月同譚際茲遠道言旋方慶聯床尋舊雨
廿叁齡泡影浮生慨膝下空虛閨中寂寞况有高堂垂暮爲何應詔赴修文

徐光 馮燮堯

十餘年總角知交羨君博學雄資正好及時奮健翮
七十里鹿城寄跡愧我窮途日暮無聊市井困樊籠

黃炳宸

自古文章都促命
可憐造物太忌才

張壽鏡

小子也傷心憶會白下相逢客舍青燈聆教益
先生誠可惜尙未梓鄉提倡蠶桑農植失傳人

黃宗權
洲

祖國重三農數千年古法相仍原期學業有成興茲地利
英才罹一豎一刹那塵緣遽逝此後談心無伴恨煞天公

洪祝華 鄭翊琛

少年同校雅誼相投惟君救國心殷千里擔簦不務虛榮求實學
一旦歸真哀思甚切恨我弔喪來晚束芻將意了無公義盡私情

鄒魯

凶年苦急民不聊生原期學稼功成易耨深耕逢樂歲
來日方長君何遽死太息英才天折孀孀弱女累慈親

蔡樹槐

一慟秋風忽報參軍歸去

兩行老淚忍看子夏喪明

陳煥燾

初習蠶桑繼攻農植餘晷振頽風嘔出心肝步長吉
高堂失望呱女無依幽閨賸新孀哭來血淚痛共姜

楊宰坤

多學又多才如何絕妙青年奮身遽去
弔生兼弔死對此弱妻呱女慘象不堪

林蔚

君乃甌海奇才力期壯志克酬定奪雲程誇捷足

我本瑞中同學豈料凶音忽至空憐鮑子失知心

王啟

後起英才如君有幾使天假大年鳳翥鵬搏桑梓從茲添景色
當今學子惟汝特出奈命遭不祿烏啼鵲泣晨昏何以慰高堂

同前

六七載風瀟雨晦我謀甌海君適金陵刮目望修爲回憶桑梓同堂難忘舊誼
千百里暑假來歸室有弱妻懷抱幼女臥病籌教育何忍椿萱對泣慟哭喪明

陳協聖

精神體質皆壽者徵倘天假大年定見高門增氣象
暑濕風寒本尋常症何病才數日竟無靈藥挽生機

董逢銓

國難家難浩浩乎波起洞庭砥柱摧中流詎獨少婦老親傷心無限感
他鄉故鄉渺渺然人生逆旅乘風壓塵世只恐瓊樓玉宇高處不勝寒

趙增
榮齡

向農學圃攷案土宜種植未成書遽辭塵世
我北君南久嗟離別歸來纔旬日又赴重泉

洪熾昌

裕農林才富新知識兼蠶桑學本舊淵源穎悟夙超倫冉冉雲程正未艾
堂前白髮思子營宮灶下紅顏傷夫化石幽冥痛永隔茫茫泉路果何堪

戴幹夫 薛立才

同班在瑞校二年誰能知長吉化身白玉樓中召作記
成佛後土元一日亦祇效武侯往事天罡星下痛招魂

陳楚鈞

游學兩三年何期休沐歸來一霎秋光耀浩劫
沈疴六七日還是音容寂滅長留夜月弔幽魂

李孟

仰事父母俯蓄妻子期望方殷何遽玉樓來促駕
既恨生離又悲死前感懷未已那堪金屋聽啼嬌

伍文
甲振郁

素志習專門方期大展其才能以所學俾社會
青年富進取何意遽質厥志空教太息到朋修

馬泉

農桑學業佇望其成倘天不靳年定有新知輸故里
菽水晨昏遠離未遂奈歸纔匝月仍留遺恨到重泉

姜兆辛

白髮青年悲失望
紅顏黃口痛無依

楊杏雲

金陵遊學值暑假言旋父母妻孥同聚首
玉體違和遽倉皇永訣親朋戚友盡心酸

謝國霖 應普涵

溯當年業共經營我翁若翁深相膠漆但時事俱殊無復叔牙成知己
迨吾輩界分商學南海北海竟爾馬牛矧音容已渺空憐明遠是清才

章嘉

好學孰如君劇憐命短
承歡未有子能不心傷

程穎芳

大學僅三年方期家業遠繩漢代侯封繼敬子
歸真逢七月太息高堂垂老趙家塊肉話酸辛

張慶敏

掛劍若爲情黃鞠花開人去後
思君在何處白楊秋盡月明時

金慶雲

國器掌珠慘喚童烏竟不活
青鐙赤焰並催長吉赴修文

金寶瑩

天道甯論偏短折英年尙少王融四歲
神交已久奈感懷舊事難爲庾信一銘

章秉懿

元龍意氣倜儻才名可憐廿載年華壯志未干雲倏忽秋風凋碧樹
曙後孤星堂前二老最苦青春弱婦望夫成爛石感懷冷月照西窗

蔣嘉壽 孫光劭 胡文翼

志切讀書不愧商林佳子弟
會開追悼獨憐我邑失英才

金志清

天不可問如斯特達聰明竟假蹇床箠而死
生猶未面際此親朋唁吊亦興思蒿里之歌

金組雲

我友有佳兒方當妙少年華何遽修文歸地府
乃翁已垂暮際此涼淒景况那堪揮淚泣秋風

梁鏡清

廿載功名成泡影
一朝里巷爲招魂

周庭欽

君是宣明才如何不壽
我作若雨誄太息無文

韓樹藩

務實業有志農林所見者大
論遽齡未及花信其死也哀

林煥燁

白下始歸來原欲聯合朋儕開通知識
玉樓遽赴召忍棄閨中少婦堂上高年

謝壽灝

與乃翁夙訂知交幸喜文臺有令子
奈彼蒼竟肆毒酷忍教李賀不長年

項玉京

負笈初歸修文促召與雙親妻女別離想在泉臺應洒淚
識荆未遂居里同鄉聽閭巷父兄追悼歌傳薤露亦傷神

蔣峻極

農桑並習學具淵源簣土卽成山君忽出塵歸大化
文藝兼長名喧耳鼓荊州恨未面天何促壽奪英年

李壽祺

客臘同舟歸故里
今秋揮泪哭英靈

胡元翊

君似賈生悲賦鵬

我漸孺子束生芻

李壽銘

奇偉魁梧方喜乃翁留善果

風流雲散獨憐好月不長圓

曹顯芹

蛟龍終非池沼物

鯤鯨偏作渤溟遊

陳顯揚

向被包涵啣恩未報

時任驅使愛我良深

葉彩弟

少壯赴金陵萬里鵬程原素抱
吾儕居市井一朝噩耗盡傷心

同泰花莊

負笈到金陵方期農學告成智識轉輸同里諸生都獲益
束裝回甌海遽爾沈疴不起妻孥啼泣高堂二老倍傷神

大同紗號

操行既峻力學更殷試問彼蒼何遽奪此佳壻
上事老親下撫弱息諭言我女尚須勉任仔肩

姚傳光

廿三歲流光冉冉遽赴修文雙親慟於堂寡婦哭於室更有兩齡孤女亦解悲啼舉
目極酸辛地下自應留長恨

數百里遠道迢迢遲教返棹病未視其疾殮未憑其棺卽此一束生芻末由臨奠關

懷屬婚媾心中怎不抱深悲

姚瑾

壯志擬凌雲詎意盛年傷集鵬

哀聲聽隔巷劇憐弱妹痛離鸞

姚瑜

事親克孝待友竭誠績學復何論怎奈善因無善果
陰伏既深陽邪甫入方書負未讀自慚知病不知醫

前人

記前月雅約彈碁風雨連朝孰料一番成了局

嗟此日親臨屬續葭葦如我不堪終古有餘悲

姚璋

立身行道乃翁期望甚殷何當破浪乘風擊楫中流音耗至

植腹委裘我姊尙須有待際此飲冰茹蘖孤燈永夜淚痕多

前人

老親堂上少婦閨中事蓄正需人君何遽逝
病爲延醫歿又視殮葭葦叨末戚我獨奚堪

奚欽銘

姻婭叙閒情休沐歸來側帽箕踞忘彼此
琴樽懷逸興音容杳渺狂歌偃仰問蒼天

陳準

松柏每矜蘿睦嫺善隣君亦無慚趙勝
蚩蚩曾撼樹進軍奪鄙我真有愧信陵

韓震東

金陵負笈纔歸來方企南學雲興光耀門庭榮我族

盧寢抱疴剛枕伏竟被玉樓詔召摧殘英俊喪文豪

族叔鏘

與吾兒同學聯盟分道揚鑣萬里雲程期遠大
得宗族交遊光寵哀詞誄輓一堂弔客盡名流

族叔壬

嗟爾惠連每懷平昔詠歌惟我抱慚謝康樂
其才俊逸孰料忽朝溘逝更誰祖述鮑參軍

族兄公衡

學海萃百川壯志鵬飛鄉閭景仰
爲山虧一簣英才鶴化宗族傷心

族兄立
震庚

藥石豈無靈疾不可爲吾宗竟弱一個

秣陵勤求學年如得永先生自有千秋

族弟 桂墀

遇齋才高天上樓成遂應召
妻孀親老人間夢短傷總情

族弟 宣

聞雁摧心薄海初歸逢惡疾

臨風搔首老蒼成事厄吾宗

族姪 煥章

千里外匍匐奔喪回首難忘當日感

七日中微病不起有靈應悔此行冤

姊 歸穎川郡

家庭浩劫挽救無功他日若歸甯祇有曲慰親心善撫呱呱女

好事難常團圓不久昔年之懽樂頓成半窗冷月一室凄風

姊 歸南陽郡

難問是天心何以禍延年少弟昆變遭不測

倚閭空悵望誰能遣此白頭二老淚濕衣襟

姊 歸譙國郡

回首家庭真黯慘

傷心手足失瞻依

妹 歸臨海郡

兄弟無多幸比來聲聞有光門閥

我翁染病卽探視殷懃情逾恆常

妹 歸穎川郡

微疴七日雁序遽乖到底阿兄何病慚惡人詢無以應

白頭雙親嗚兒棄賸每看嫂氏椎胸淒涼我亦有難言

胞弟俊英

伯雄追悼會辱承各處寄賜輓聯甚多倉卒謄錄間遺珠漏玉或一時鈔錯
在所未免

賜輓諸公原諒是幸

補遺

平素雲飛誓志劍佩雄冠願學萬人之敵
一朝玉折奇才秋墳鬼唱可憐壯士云亡

孫經枋

臺空思子石冷望夫司化信不仁竟教曉音傷永訣
金陵同遊玉樓遽召秋風復返棹哪堪回首憶前塵

洪瑞釗 施寶華

校勘記

(頁)同

啓類一
祭文類一

同

輓詩類五

四

輓聯類八

六

九

同

十四

(行)

五

十四

十六

二

十六

三

三

三

十

八

廿

四

十四

(字)

十八

廿四

卅二

卅二

卅一

卅一

卅五

卅二

二

四

八

廿

十一

(誤)

膝

鐘

豐

之親

綺

嘗

豐

沒

堪

吉

崇

崇

(正)

膝

鍾

豐

親之

倚

常

豐

歿

湛

育

崇

輕

崇

頁
祭文二
祭文四
挽聯八
挽聯念叁
挽聯九
十
十三
十四
十五
十六
廿一
廿二
廿八
廿九

行
廿叁
十六
三
十一
十一
廿叁
十六
八
念六
十一
五
廿
叁
五

字
念六字下
念三字
二
卅
叁
七
六
十四
念六念七
十六字下
一
六
四
五
十三
十六

誤
屈
雌
芙
無
盲
心
莫
寞
寞
寂
唔
期
弔
不
婦
鵬

正
落十傷字
屈
雄
蓉
爲
育以後遇育作盲應更正
年
英
寂寞
落一君字
唔以後遇唔作唔應更正
假
不
用
鵬

十五
同
同
十六
同
四
廿一
廿五
同
廿七
廿九
卅
卅一
卅
卅一
卅五

廿二
同
廿三
一
廿一
十六
廿
十五
六
十七
十一
一
五
十四
十五
十九

十一
十八
十五
十九
二
二
三
四
十三
十三
七
八
卅五
三
七

夢
日
氏
刪去
子
闕疑
普
未
恨
琴
亡
勿
勿
力
前
西
壽
成

日
氏
刪去
子
闕疑
普
未
恨
琴
亡
勿
勿
力
前
西
壽
成

補遺 卅五 卅四 卅同

五十六 十九 十九

十四 九十 十六 十八 念七

哪傷天修末
總

那總傷 旻 儕

通

飲

月

